



Inatsisartut Sanaartornermut Ataatsimiititaliaa  
/maani

**UKA2020/24 Illulortiternernut aningaasalersuineq pillugu inatsisip  
allanngortinneqarnissaa pillugu Sanaartornermut Ataatsimiititaliaap  
apeqquteqaataanut akissuteqaat**

30-10-2020  
Sullaq nr.: 2019 - 19498  
ID nr. 58166242

Inatsisartut Sanaartornermut Ataatsimiititaliaata ataatsimiititaliami sulianik  
suliaqarnerminnut atatillugu, Illulortiternernut aningaasalersuineq pillugu Inatsisartut  
inatsisaata allanngortinneqarnissaa pillugu (UKA2020/24) apeqquteqaateqarpoq.  
Apeqqutit matumap kinguliani ataasiakkaarlugit allanneqarput, akissummillu  
malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut 1:**

**"Inissiaruarnik amerlasoorpassuarnik" oqarnerminni qanoq amerlatigisut  
pineqarnermut Naalakkersuisut qinnuigineqassapput nassuiaatigeqqullugu.**

*Akissut:* Siunnersuutip inissiaruarnik amerlasoorpassuarnik inissiartaqartunik nutaanik  
sanaartorneq unikaallatsissagaa ilimanartoq pillugu Naalakkersuisut naliliinerinut  
pissutsit assigiinngitsut patsisaapput. Inissiat qanoq amerlatigissanersut ersarissumik  
nalilerneqarsinnaanngilaq. Inissiaruarnik arlalippassuarnik inissiartaqartunik  
attartortitassatut imaluunniit tuneqqitassatut aningaasallisartut sanaartormanissaannut  
allannguut sunniuteqarsinnaasoq Naalakkersuisut eqqumaffigaat.

Periarfissaq iluatsillugu inatsisip massakkut atuuttup Illulortiternernut  
aningaasalersuineq pillugu Inatsisartut inatsisaat nr. 39, 23. november 2017-imeersup  
suliarineqarnera Naalakkersuisut innersuussutigerusuppaat. Tassani illulortiternernut  
aningaasalersuinermit taarsigassarsiaritanut killiliussat atuutsilersinneqarput,  
pingaartumillu Nuummut tunngatillugu illulortiternernut aningaasalersuinermit  
taarsigassarsiaritinneqartartut annikilliertortinneqarnissaat atuutsilersinneqarluni.

Illulortiternernut aningaasalersuineq pillugu inatsimmut nassuiaatini nalinginnaasuni  
(qupp. 6-imi) allassimavoq, "Aningaasalersuisarnerup allanngortinnera piffissami  
ikaarsaarfiusumi Nuummi sanaartornermik ingerlataqarnermut sunniuteqarsinnaassaaq.  
Taamaattorli Grønlandsbanken A/S aamma BankNordik naliliippat pisortat  
taarsigassarsisarnerisa annikilliertortinnerini atorunnaarsikkiartuaartinnerinilu Nuummi  
inissianik nutaanik sanaartornermut realkredit-imit aningaasalersuinissaq suli  
anguneqarsinnaassasoq. Grønlandsbanken A/S aamma BankNordik naliliisimapput  
taarsigassarsititsinermit atugassarititaasuni siunnersuutigineqartuni taakkunani  
Nuummi inissianik nutaanik suli sanaartornissamat tunngavissaqarumaartoq."

Inatsisip atuutilerneranit ukiut pingasunngulersut qaangiunnerini takuneqarsinnaavoq, §  
5-imi imm. 2 naapertorlugu illulortiternernut aningaasalersuinermit

taarsigassarsiaritineqartartut annikilliertortinneqaraluartut, Nuummi suli sanaartortoqarluartuq.

Tassunga tunngatillugu allannguutissatut siunnersuummut nassuiaatini nalinginnaasuni Banknordik-ip tusarniummut akissuteqaataa, qupperneq 20-mi allassimasoq aamma innersuussutigineqarpoq: "Inissianut atuileknissamik akuersissutip nalunaarutigineqarneranit kingusinnerpaamik qaammatit arfinillit qaangiunnerisigut inissiat tunineqarsinnaappata, sanatitsisut namminersortut nutaanik inissialiornissamut taarsigassarsitineqarnissamut neriorsuummik suli tunineqarsinnaanerat Banknordikip erseqqissaatigaa. Taamatut allannguisoqassappat aningaaserivimmi aningaasalersuinissaq eqqarsaatigalugu sanatitsisut namminneq aningaasalersuinissaannut piumasaqaatit annertunerulingikkunik, sanaartornissaq aallartinneqartinnagu sanaartukkat tamakkerlugit tunineqarnissaat pillugu piumasaqaasiortoqassaaq".

**Apeqquut 2:**

**Inissiat tunineqarsimanngitsut taarsigassarsinissamik neriorsuutip atorunnaarnissaanut piffissaq qaammatinut arfinilinnut sivisunerpaaffilerneqarsimanera Naalakkersuisunit nassuiaatigineqarnissaa qinnutigineqassaaq.**

*Akissut:* Sanatitsisut sanaartornissamut pilersaarummik aallartitsiinnarlutik inissianik tuniniaasinnaalissasut Naalakkersuisut nalilerpaat. Sanaartornissamut pilersaarutitut inissianik tuniniaasinnaaneq ullumikkut periarfissaalereerpoq.

**Apeqquut 2a:**

**Tunisinnissamut piffissartinneqartuq sivitsorneqassagaluarpat sanaartortitsisunut namminersortunut innuttaasunullu inissianik taakkuninnga pisiniartunut suut pitsaaqutaallutillu ajoqutaassappat? Qaammatinut 12-nut, 18-inut, 24-inut aamma 36-inut sivitsuisoqarsinnaanera pillugu nassuiaasoqarnissaa qinnutigineqarpoq.**

*Akissut:* Allannguutissatut siunnersuummut nassuiaatini nalinginnaasuni qupperneq 7-imi allassimavoq, Nuummi amerlanerusunik inissiaartaqartunik inissiarsuarnik arlalinnik sanasoqareersoq aammalu inissiat attartortitsinissaq siunertaralugu sananeqartut imaluunniit pisiarineqartut takuneqartartuq.

Allannguutissatut siunnersuutitigut, siunissami sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, attartortitsinissaq siunertaralugu, nutaanik inissialiortarnissaat imaluunniit pisisarnissaat mattunneqassaaq.

Piffissaliussap qaammatinut 12-inut, 18-inut, 24-nut imaluunniit 36-nut sivitsorneqarneratigut, sanatitsisup taarsigassarsitineqarnermigut inissiaq tuniniarniarmagu, inissiat najorneqarani qularnanngitsumik sivisunerusumik tuniniarneqarsinnaassaaq. Aningaasaliisut inissiamik tunisinissaminnut kajuminnerat tassuugu annikillissaaq – pinngaartumik maani Nuummi akigititat massakkut taamak qaffasitsigitillugit.

Illuatungaani piffissaliussamik sivitsuineq sanatitsisumut namminersortumut aningaasaliisumulluunniit iluaqutaasinnaassaaq, uanimi piffissaliussap iluani inissiamik tunisinngitsooratarsinnaaneq annikinnerussammat.

Innuttaasut qitiutinneqassasut Naalakkersuisut siunertaraat, taamaattumillu pisortat aningaasalersuinissamut periarfissarititai naleqquffiini iluaqutaaniassammata, innuttaasut namminneerlutik inissartaarsinnaasut amerlanerusut periarfissanik piusunik atorluaassasut Naalakkersuisut kissaatigaat.

**Apeqqu 3:**

**Inatsisip atuutilerneraniit inatsit una atorlugu pisortat aningaasalersueqataaneratigut inissiat qassit namminersortunik sanaartorneqarsimappat?**

*Akissut:* Innuttaasut namminneq pigisassaminnik peqatigiillutik inissialiortitsisinnaapput, uanili sanatitsisut namminersortut aningaasaliisartulluunniit tunisinissaq siunertaralugu inissialiortitsisarnerat nalinginnaanerugunarpoq. Innuttaasut peqatigiillutik sanaartortitsimasut qassiunersut kisitsisaatigineqanngilaq.

**Apeqqu 4:**

**"Suliniutit allat aallartinneqarsimasut" Naalakkersuisut qinnuigineqassapput itisileeqqullugit.**

*Akissut:* Nassuiaatissatut siunnersuummi qupperneq 15-imi "Suliniutit allat aallartinneqarsimasut" nalinginnaasumik ineqarnermut aqqissuusseqqinnermut, matumani pingaartumik Ineqarnermut immikkoortumut tamakkiisumik pilersaarutip ataani suliniutinut aallartinneqarsimasunut tunngassuteqarpoq. Suliniutini taakkunani innuttaasut qitiutinneqarput, illoqutigiinnullu appassisumik akunnattumillu isertitalinnut naleqqussakkamik ineqarnermut tapiissuteqartitsisarnikkut pisortat attartortittagaataanni attartorsinnaanissaat suliniutitigut ilaatigut qulakkeerreqassasoq siunertaammat, suliniutit assigiinngitsut taakku sunniutissaat innuttaasunut iluaqutaassallutik.

Tuniniaanissaq siunertaralugu entreprenørit anginerusut suli inissialiorsinnaanissaannut suliniutitigut mattunneqanngillat.

Pisortat aningaasalersuinissamut periarfissarititai naleqquffiini iluaqutaaniassammata, innuttaasut namminneerlutik inissartaarsinnaasut amerlanerusut periarfissanik piusunik atorluaassasut Naalakkersuisut kissaatigaat. Ilutigalugu entreprenørit anginerusut tuniniaanissaq siunertaralugu inissialiorsinnaanissaminnik suli periarfissaqassapput.

**Apeqqu 5:**

**§ 9b, imm. 2 aamma § 32 aamma 33 imminnut naapertuutinninneri pillugit Naalakkersuisut nassuiaateqarnissaannik qinnuigineqassapput.**

*Akissut:* §§-it assigiinngitsut taakku ataqatigiinnerat Kommune Kujallermit paatsoorneqarsimasoq Naalakkersuisut nalilerpaat.

Taamaalliluni § 9b kisiat isiginiarneqassanngilaq, aammali 9 aamma 9a isiginiarneqassallutik. Pingarneq tassaavoq, inuit ataasiakkaat kisimik pisortanit taarsigassarsitinneqarsinnaammata, inullu ataaseq ataasiinnarmik taarsigassarsitinneqarsinnaalluni.

Siunnersuutip § 9b-ani imm. 2-anut tunngatillugu, atuilernissamut akuersissummik tunniussereernerup kingorna qaammatit arfinillit iluini aningaasaliisup inissiaq

inuinnarmut tunereersimassagaa piumasaqaataassaaq. Inissiaq inuinnarmut tunineqarsimangippat, taarsigassarsiaritineqartussat tunniunneqassanngillat.

Atuilernissamut akuersissummik tunniussereernerup kingorna qaammatit arfinillit qaangiunnerini inissiap tunereersimanissaanik piumasaqaateqarnermi, innuttaasut amerlanerpaat illuliortiternermut aningaasalersuinissamut periarfissarititaasunik toqqaannartumik periarfissaqarnissaat, taamaalillunilu innuttaasut namminneerlutik inissiartaarsinnaanissaasa annertusineqarnissaa qulakkeerniarneqarpoq.

Apeqquteqaat taarsigassarsiarititassat tunniunneqarnissaannut tunngassuteqarsimappat, atuilernissamut akuersissut tunniunneqarsimappat aatsaat taarsigassarsiarititassat tunniunneqarsinnaassapput, tassunga tunngatillugu §§ 32-mi 33-milu piumasaqaataasooq allanngortinneqanngilaq.

Inussiarnersumik inuulluaqqusillunga

  
Karl Frederik Danielsen



Inatsisartut Sanaartornermut Ataatsimiititaliaa  
/maani

**Illuliortiternernut aningaasalersuinerup allanngortinneqarnissaanik  
siunnersuummut UKA2020/24 Inatsisartut Sanaartornermut Ataatsimiititaliaata  
apeqquteqaqqinneranut akissut**

06-11-2020  
Suliaq nr.: 2019 - 19498  
ID nr. 58415777

Inatsisartut Sanaartornermut Ataatsimiititaliaata sulianik suliarinninnerminnut atatillugu,  
illuliortiternernut aningaasalersuineq pillugu Inatsisartut inatsisaata  
allanngortinneqarnissaanut siunnersuummut (UKA2020/24) apeqquteqaateqaqqippoq.  
Apeqqutit matumap kinguliani ataasiakkaarlugit allanneqarput, akissummillu  
malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Inatsisartut Sanaartornermut Ataatsimiititaliaata apeqquteqaqqinnerminut tulliuuttut  
tunngavilersuutigai:

Paragrafit marluk imminnut naapertuutinningsut Nunatsinni Advokaatit  
tusarniaanermut akissutaanni atuarneqarsinnaavoq, siunnersuummi § 9-  
mi ima allaqqasoqarmat:

**"§ 9. §§ 5-8 malillugit taarsigassarsiarititat inunnut  
ataasiakkaanut aammalu sanaartornermut aningaasartuutit  
tamarmiusut sinnerinut aningaasalersuinissap  
uppernarsarneqarnerani, taamaallaat  
taarsigassarsiaritinneqarsinnaapput."**  
(Ataatsimiititaliap ersarissaassutaa)

§ 9 b-milu ima allassimasoqarluni:

**"§ 9b. Sanatitsisoq namminersortoq inunnut  
ataasiakkaanut tuniniaanissaq siunertaralugu nutaanik  
inissialiorsinnaavoq. Kommunalbestyrelsi § 9 malillugu  
nutaanik inissialiornissamut taarsigassarsititsinissamut  
neriorsuuteqarsinnaavoq. Nutaanik inissialiornissamut  
taarsigassarsititsisarneq pillugu aalajangersakkat  
taamaaqataanik atuutissapput."**  
(Ataatsimiititaliap ersarissaassutaa)

§ 9-mi aalajangersarneqarpoq **inunnut ataasiakkaanut taamaallaat**  
taarsigassarsititsisoqarsinnaasoq, tamannalu § 9 b-mi sanatitsisut  
namminersortut pillugit taaneqartunut (inatsisitigit inuttut  
isigineqarsinnaasoq) naapertuutinnngilaq. Ataatsimiititaliap ilisimavaa,  
naapertuutinnnginneri taakkua ilusiliinermik misissuineq pillugu allakkiami  
ulloq 2. august 2020-meersumi eqqaaneqartut, allatullu  
oqaasertaliinissamik siunnersuuteqartoqarsimasoq.

**Apeqquut1: Naapertuutinnigitsut taakku pillugit nassuiaaqullugit Naalackersuisut qinnuigineqassapput.**

*Akissut:* Allanguutissatut siunnersuutitigut pingaarnertut atuuttussa q tassavaoq, inunntut ataasiakkaanut taamaallaat tarsigassarsisitsisoqarsinnaasassasoq. Sanatitsisoq namminersortoq inunntut ataasiakkaanut tunisinissani siunertaralugu nutaanik inissialiorsinnaanissaa, § 9-mut immikkut ittumik allanguutissatut siunnersuutip § 9 b-atigut periarfissiissutigineqarpoq.

Sanatitsisumut namminersortumut taarsigassarsisitsinissamik siumut neriorsuuteqartoqarsinnaavoq, taamaakkaluatorli atuilernissamut akuersissutip tunniunneranit kingusinnerpaamik qaammatit arfinillit qaangiunnerini inissiat tunereersimanissaanik matumani piumasaqaatitalerlugu. Qaammatit arfinillit qaangiunnerini, illulortiternernut aningaasalersuineq pillugu Inatsisartut inatsisaat imaluunniit illulortiternernut aningaasalersuineq pillugu siusinnerusukkut inatsisit naapertorlugit inissialiornissamut taarsigassarsitinneqareersimangitsumut inissiaq inummut tunineqarpat, taarsigassarsisitsinissamik siumut neriorsuut tunniunneqarsinnaavoq.

Apeqquut 2: Ilusiliineq pillugu misissuinermini allanguutissat siunnersuutigineqartut ilanngunneqannginnissaannik aalajangertoqarsimanera nassuiaatigeqqullugu Naalackersuisut qinnuigineqassapput.

*Akissut:* Allanguutissatut siunnersuut naapertorlugu, inuit ataasiakkaat taamaallaat taarsigassarsitinneqarsinnaassapput. Atuilernissamik akuersissutip tunniunnerani tunniunneqartussaangitsunik, inissianik nutaanik sanaartornissamut kommunalbestyrelsip sanatitsisumut taarsigassarsisitsinissaminut siumut neriorsuuteqarnissaminik periarfissaqarnera uani assigiinngissutigaa.

Illulortiternernut aningaasalersuineq pillugu Inatsisartut inatsisaat imaluunniit illulortiternernut aningaasalersuineq pillugu siusinnerusukkut inatsisit naapertorlugit inissialiornissamut taarsigassarsitinneqareersimangitsumut inissiaq inummut tunineqarpat, taarsigassarsisitsiissutit aatsaat tunniunneqarsinnaapput.

Inussiarnersumik inuulluaqquusillunga

  
Karl Frederik Danielsen